

Von lauterem golde  
 Was dar haubt mit grozzem schein  
 In taucht wie arm vnd d'pauch sei  
 War lauter silber gar  
 Des nam er indem traum war  
 Von der gurtel mez auf dy chnie  
 Was es do es für in gie  
 Zwar alz er es sach  
 Tr sult des gemiz sein  
 Von dem chnie vol hin zetel  
 Was es Einem yber al  
 Also was es gemacht  
 Sein leib vor vorhten chtracht  
 Do er es indem traume sach  
 Sein herz gegen ym verlach  
 Herre was ist diez dinch  
 Es ist ein ayfleich iunglind  
**O**der traume ein end nam  
 Wie ser der künich do er cham  
 Wan er da von erwachte  
 Sein leib von angsten chnachte  
 Da von sint er drate  
 Nach seinem nochsten rate  
 Nach frumen vnd nach posen  
 Vnd pat in dar zu erlosen  
 Disen angstleichen traum  
 Dy weisen namen alle garm  
 Wie sy den traum zerlegten gar  
 Tr chamber was so weise zmar  
 Der in chunde erlosen  
 Dy frumen vnd dy posen  
 Da von sy mussten stille dagen  
 Sy chunden im dy warhait nich sage  
 Swie wiczig sy da waren  
 Dy wol pei sechezich iarn  
 Waren dy mussten chomen dar  
 Etlicher het wol hundert iar  
 Vnd ir was vil chomen an dy tin  
 Den traum legt er in allen für  
 Do was vnd in nie cham man

Der sich des mocht genemen an  
 Der disen traum beteytet ze recht  
 Weder dy herren noch dy chnecht  
 Mochten sich das nemen an  
 Wie der traum mocht ergan  
 Wan der künich het zmar  
 Des selben traumes vergezen gar  
 Des mocht er nicht bedenchen  
 Den traum seinen leuten  
 Er wart zorn misseuar  
 Er sprach aus grozzem zorn gar  
 Zu seinem hofgesinde  
 Bindet mir dy alten srimde  
 Vnd slacht in allen dy haubt abe  
 Da von manich ritter vnd chnabe  
 Sienge vnd viengen dy alten zehant  
 Vil aifleich man sy pant  
 Vnd enthaubt sy alle and stat  
 Des molt der chmich recht habe rat  
 Darnach hiez er gahen  
 Dy eltisten ym da uahen  
 Vnd leit in für den selben traum  
 Chamber moht des nemen garm  
 Das er moht beschaiden  
 Den traum dem gemaltigen hande  
 Sy iahen alle geleiche  
 Arm vnd reiche  
 Herre gebt vns ein lon  
 Sagt vns eüern traum schon  
 So mus wir evch bedeuten wol  
 Den traum alz ergen sol  
 Des welle wir vns vermezen  
 Er sprach ich han vergezen  
 Des traumes sicherleich  
 Er sprach ich mache in reiche  
 Wer mir den traum erlegen sol  
 Den mach ich aller freuden vol  
 Wan ich gib in gutes so vil  
 Das er freude vnd spil  
 Gewinnet ander selben zeit